

# Hua Yang jual unit runcit One South



**KUALA LUMPUR** – Hua Yang Bhd. (Hua Yang) telah menandatangani perjanjian jualan keseluruhan unit-unit runcitnya di One South bersama South Crest Synergy Sdn. Bhd. (South Crest) baru-baru ini.

One South merupakan projek pembangunan bercampur di Sungai Besi di sini yang melibatkan hartanah runcit, komersial dan kediaman yang memiliki nilai pembangunan kasar sebanyak RM750 juta.

Ketua Pegawai Eksekutif Hua Yang, Ho Wen Yan berkata, perjanjian tersebut membabitkan penjualan sebanyak 73 unit runcit pada harga RM105 juta.

“Menerusi perjanjian ini, kami yakin dengan kemampuan South Crest dalam menguruskan Street Mall dan mendapatkan campuran penyewa runcit termasuk penyedia makanan dan minuman di One South.

“Ini menjadikannya lebih

menarik kepada pembeli di samping membantu mewujudkan persekitaran yang menyenangkan seiring dengan konsep ‘kerja, makan dan main’ dalam satu lokasi,” katanya dalam kenyataan yang dikeluarkan di

sini semalam.

South Crest memiliki rekod prestasi pembelian pukal dan pencarian penyewa untuk Equine Boulevard, PJ21, Melaka Riverfront dan Melaka Empire.

Projek One South yang

melibatkan pembangunan di kawasan seluas 7.23 hektar mempunyai muka bangunan yang menarik dengan panel kaca bercorak pada bumbung untuk memaksimumkan pencahayaan semula jadi.



**MENAMPILKAN** rekaan yang moden dan menarik, projek One South dilihat sebagai salah satu mercu tanda di Sungai Besi.